



Broj: 01/1-45- /23
Bihać, 11.05.2023.godine

ZAPISNIK
sa 4. redovne sjednice Skupštine Unsko-sanskog kantona
održane dana 11.05.2023. godine

4. redovna sjednica Skupštine Unsko-sanskog kantona održana je dana, 11.05.2023.godine (četvrtak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Jasmin Musić, predsjedavajući Skupštine Unsko-sanskog kantona, pozdravio je sve prisutne u sali, konstatirao je da je prisutno 26 zastupnika, te da je Kolegij utvrdio dnevni red današnje 4.redovne sjednice Skupštine Unsko-sanskog kantona na osnovu materijala koji su se nalazili u Skupštini, koji je zajedno sa materijalima dostavljen u poslovničkom roku.

U skladu sa odredbama 52. i 53. Poslovnika Skupštine, upoznao je zastupnike da je uputio dopunu dnevnog reda „Prijedlog Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, te je istu obrazložio i otvorio raspravu.

Bez diskusija o dopuni dnevnog reda, prijedlog da se dnevni red dopuni sa tačkom Prijedlog Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, sa 27 glasova „za“, 1.glasom „protiv“ i bez glasova „suzdržan“ dobio je potrebnu većinu.

Prijedlog zaključka da se Prijedlog Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, razmatra po skraćenom postupku, sa 27 glasom „za“, bez glasova „protiv“ i „suzdržan“, dobio je potrebnu većinu.

Zatim je pozvao Halkić Murisa, ministra Ministarstva zdravstva, rada i socijalne politike da obrazloži razloge skraćenog postupka za donošenje prijedloga Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice s djecom.

Bez diskusija, prijedlog zaključka da se prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice s djecom, razmatra po skraćenom postupku, sa 27 glasova „za“, 1.glasom „protiv“ i bez glasova „suzdržan“, dobio je potrebnu većinu.

Predsjedavajući Skupštine Unsko-sanskog kantona, Jasmin Musić ističitao je

Dnevni red

1. Zapisnik sa 3.redovne sjednice održane dana 26.04.2023.godine,
2. Poslanička pitanja,
3. Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice s djecom,
4. Prijedlog Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu,
5. Izvještaj o radu Poljoprivrednog zavoda za 2022.godinu,
6. Izvještaj Kantonalne uprave za šumarstvo za 2022.godinu,
7. Program rada sa finansijskim planom ZU Kantonalna bolnica „Dr. Irfan Ljubijankić“ Bihać za 2023.godinu,
8. Program rada sa finansijskim planom JZU Opća bolnica Sanski Most za 2023.godinu,
9. Plan i program rada sa finansijskim planom ZU Dom zdravlja Sanski Most za 2023.godinu,
10. Plan i program rada sa finansijskim planom za 2023.godinu ZU Dom zdravlja Ključ,
11. Program rada sa finansijskim planom ZU Dom zdravlja Bosanska Krupa za 2023.godinu,
12. Program rada i finansijski plan ZU Dom zdravlja Bužim za 2023.godinu,
13. Program rada i finansijski plan za 2023.godinu ZU Dom zdravlja Bosanski Petrovac,
14. Plan i program rada sa finansijskim planom prihoda i rashoda za 2023.godinu ZU Dom zdravlja Velika Kladuša,
15. Program rada ZU Dom zdravlja Bihać za 2023.godinu sa finansijskim planom,
16. Program rada i finansijski plan ZU Dom zdravlja Cazin za poslovnu 2023.godinu,
17. Program rada za 2023.godinu i Finansijski plan za 2023.godinu ZU Lječilište „Gata“ Bihać,
18. Program rada sa finansijskim planom za 2023.godinu ZU Zavod za javno zdravstvo Unsko-sanskog kantona,
19. Program rada Zavoda zdravstvenog osiguranja Unsko-sanskog kantona za 2023.godinu,
20. Informacije Ministarstva unutrašnjih poslova Unsko-sanskog kantona – Uprava policije:
 - a) Informacija o stanju sigurnosti saobraćaja na području Unsko-sanskog kantona za period januar – decembar 2022.godine;
 - b) Informacija o stanju sigurnosti na području Unsko-sanskog kantona za period januar – decembar 2022.godine;
 - c) Informacija o stanju sigurnosti od vršnjačkog nasilja u školama Unsko-sanskog kantona za 2022.godinu;
 - d) Informacija o stanju maloljetničke delikvencije na području Unsko-sanskog kantona za 2022.godinu;
 - e) Informacija o stanju nasilja u porodici na području Unsko-sanskog kantona u 2022.godini.

RASPRAVA I ODLUČIVANJE PO UTVRĐENOM DNEVNOM REDU

Ad.-1

Zapisnik sa 3.redovne sjednice održane dana 26.04.2023.godine

Bez diskusija, sa 27 glasova »za«, bez glasova »protiv« i »suzdržan« Skupština Unsko-sanskog kantona usvojila je Zapisnik sa 3. redovne sjednice održane dana 26.04.2023. godine.

Ad.-2

Poslanička pitanja

Poslanička pitanja postavili su:

Zikrija Duraković, Jasmin Hušić, Fatka Kulenović, Almin Hopovac, Azra Tajić, Azhar Sejarić i Emir Dautović.

Adis Džanić, ministar Ministarstva poljoprivrede, vodoprivrede i šumarstva ponudio je odgovore na poslanička pitanja zastupnika Dautović Emira.

Ad.-3

Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice s djecom

Izvjestilac: Muris Halkić, ministar Minsitarstva zdravstva, rada i socijalne politike.

Ispred radnih tijela: Sanil Hasić, predsjedavajući Komisije za ustavna, zakonodavno-pravna i pitanja europskih integracija, Hajrudin Halilović, predsjedavajući Komisije za zdravstvo, boračka pitanja, rad i socijalnu politiku.

Učešće u diskusiji uzeli su: Jasmin Hušić, Elvira Abdić Jelenović, Hajrudin Halilović, Azhar Sejarić i Fatka Kulenović.

Nakon zaključenja rasprave, za riječ se javio Muris Halkić, ministar Ministarstva zdravstva, rada i socijalne politike.

Skupština Unsko-sanskog kantona, sa 25 glasova »za«, bez glasova »protiv« i »suzdržan« donosi

ZAKON O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službeni glasnik Unsko-sanskog kantona“ broj: 5/00, 7/01, 11/14, 23/18 i 15/20) (u daljem tekstu: Zakon) u članu 1. alineja 6. briše se.

Član 2.

U članu 3. stav 1. Zakona dodaje se tačka 12. koja glasi: „žrtve nasilja u porodici“.

U istom članu dodaje se stav 5. koji glasi:

„ (5) Žrtva nasilja u smislu ovog Zakona je svaki član porodice koji je izložen radnjama nasilja u porodici iz člana 7. Zakona o zaštiti od nasilja u porodici.“

Član 3.

Član 9. Zakona mijenja se i glasi:

„Nalaz i mišljenje o nesposobnosti za rad lica iz člana 23. tačke 1 federalnog zakona u prvom i drugom stepenu daje Institut za medicinsko vještačenje zdravstvenog stanja. Stručnu Komisiju za procjenu i određivanju podrške djeci sa poteškoćama u razvoju (u daljem tekstu: Komisija) obrazuje u prvom stepenu ministar nadležan za socijalnu politiku (u daljem tekstu: ministar nadležnog ministarstva), a u drugom stepenu Vlada kantona, na prijedlog nadležnog ministarstva.“

Član 4.

Član 17. Zakona mijenja se i glasi:

„Pravo na novčanu naknadu za pomoć i njegu drugom osobom ostvaruju osobe kojima je na temelju nalaza i mišljenja Instituta za medicinsko vještačenje zdravstvenog stanja utvrđena samo potreba za pomoć i njegu druge osobe.“

Član 5.

Član 18. mijenja se i glasi:

„ Novčana naknada za pomoć i njegu druge osobe ostvaruju osobe čiji ukupan prihod po članu

domaćinstva mjesečno ne prelazi iznos od 40% prosječne plaće. Ukupne prihode domaćinstva čine prihodi utvrđeni u članu 14. ovog zakona.“

Član 6.

Član 19. Zakona mijenja se i glasi:

„ Naknada za pomoć i njegu druge osobe utvrđuje se u visini od 10 % prosječne plaće. Potrebu za pomoć i njegu druge osobe utvrđuje Institut za medicinsko vještačenje zdravstvenog stanja.

Ministar resornog ministarstva donosi instrukciju u vezi s drugim pitanjima koja se odnose na ostvarivanje prava na pomoć i njegu druge osobe, a koja nisu regulisana ovim zakonom“.

Član 7.

Član 34. Zakona mijenja se i glasi:

„Troškove smještaja u ustanovu socijalne zaštite snosi osoba koja se smješta u ustanovu roditelj, usvojitelj, staratelj i srodnik koji je dužan izdržavati tu osobu ili druga pravna ili fizička osoba koja je preuzela obavezu plaćanja smještaja, srazmjerno materijalnim mogućnostima. Visina učešća u troškovima smještaja roditelja, usvojitelja, staratelja i srodnika utvrđuje se rješenjem centra za socijalni rad na način utvrđen članom 26. stav 3. i 4. ovog zakona. Ukoliko osoba iz stava 1. ovog člana djelimično ili u cjelosti ne raspolaže

sredstvima, troškovi smještaja će se finansirati iz kantonalnog budžeta. Ministar resornog ministarstva donosi instrukciju u vezi s drugim pitanjima koja se odnose na smještaj u ustanovu socijalne zaštite, a koja nisu regulisana ovim zakonom“.

Član 8.

U članu 100. Zakona tačke a), c) i i) brišu se.

Član 9.

Član 102. briše se.

Član 10.

Član 103. briše se.

Član 11.

Član 104. briše se.

Član 12.

Član 105. briše se.

Član 13.

Član 106. briše se.

Član 14.

Član 115. briše se.

Član 15.

Član 122. briše se.

Član 16.

Član 123. briše se.

Član 17

U članu 136. stav 1. alineja 7. Zakona briše se.

Član 18.

Ovlašćuje se Komisija za ustavna, zakonodavno-pravna pitanja i evropske integracije da utvrdi prečišćeni tekst Zakona o socijalnoj zaštiti, zaštiti civilnih žrtava rata i zaštiti porodice sa djecom u roku od šest (6) mjeseci od dana stupanja na snagu ovog Zakona.

Član 19.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Na prijedlog Komisije za ustavna, zakonodavno – pravna i pitanja evropskih integracija, Skupština Unsko-sanskog kantona sa 24 glasa »za«, bez glasova »protiv« i »suzdržan« donosi

ZAKLJUČAK

Zadužuje se Ministarstvo zdravstva, rada i socijalne politike Unsko-sanskog kantona da u roku od 3 mjeseca od dana stupanja na snagu Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, pokrene proceduru

izrade prečišćenog teksta zakona i dostavi Komisiji za ustavna, zakonodavno-pravna i pitanja evropskih integracija prijedlog prečišćenog teksta Zakona radi konačnog utvrđivanja.

Ad.-4

Prijedlog Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu,

Izvjestilac: Dragan Polimanac, ministar Ministarstva pravosuđa i uprave.

Ispred radnih tijela: Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Učešće u diskusiji uzeli su: Agan Bunić, Elvira Abdić Jelenović i Jasmin Hušić.

Zastupnik Jasmin Hušić u svojoj diskusiji predložio je sljedeći

Amandman

U članu 1.stav (1) Prijedloga Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu kojim se mijenja član 5. stav (3) prečišćenog teksta iza riječi: "pravne", dodaje se riječi: "kriminalističke ili politološke".

Nakon zaključenja rasprave, za riječ se javio Dragan Polimanac, ministar Ministarstva pravosuđa i uprave.

Na zahtjev Kluba SDA pauza u trajanju od 5 minuta.

Na prijedlog Komisije za borbu protiv korupcije, pitanja sigurnosti i nadzora zakonitosti rada, pojedinačnim izjašnjavanjem, sa 19 glasova »za«, 3.glasa »protiv« i 4 glasa »suzdržan« Skupština Unsko-sanskog kantona donosi

ZAKLJUČAK

Zadužuje se Vlada Unsko-sanskog kantona da u roku od 30 dana osigura materijalno tehničke pretpostavke neophodne za funkcioniranje Ureda za borbu protiv korupcije Unsko-sanskog kantona, a naročito radne prostorije.

Zadužuje se v.d. sekretara Ureda za borbu protiv korupcije Unsko-sanskog kantona da nakon stupanja na snagu Zakona o izmjeni Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, uz saglasnost Vlade USK, donese Pravilnik o unutrašnjoj organizaciji Ureda za borbu protiv korupcije Unsko-sanskog kantona.

Zadužuje se v.d. sekretara Ureda za borbu protiv korupcije Unsko-sanskog kantona da odmah nakon donošenja Pravilnika o unutrašnjoj organizaciji Ureda za borbu protiv korupcije

Unsko-sanskog kantona, primjenom odredaba člana 32., 33. i 34. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17 i 15/20), pokrene postupak popunjavanja upražnjenih radnih mjesta u Uredu za borbu protiv korupcije Unsko-sanskog kantona.

Jednoglasno je prihvaćen prijedog za pauzu od sat vremena (12,30 sati do 13,30 sati).

Nakon završetka pauze, Skupština Unsko-sanskog kantona nastavila je s radom u 14,00 sati.

Dragan Polimanac, ministar Ministarstva pravosuđa i uprave, obavjestio je zastupnike da je u međuvremenu održana 19. sjednice Vlade Unsko-sanskog kantona na kojoj je prihvaćen amandman zastupnika Hušić Jasmina.

Skupština Unsko-sanskog kantona, sa 22 glasa »za«, 1. glasom »protiv« i 1.glasom »suzdržan« donosi

ZAKON
O IZMJENI ZAKONA O PRIJAVLJIVANJU I POSTUPKU PROVJERE
PODATAKA O IMOVINI NOSIOCA JAVNIH FUNKCIJA
U UNSKO – SANSKOM KANTONU

Član 1.

U Zakonu o prijavljivanju i postupku provjere podataka o imovini nosioca javnih funkcija u Unsko – sanskom kantonu – prečišćeni tekst („Službeni glasnik Unsko – sanskog kantona“, broj 17/22), u članu 5. stav (3) mijenja se i glasi:

- „(3) Lice koje rukovodi Uredom pored općih mora ispunjavati i sljedeće posebne uvjete i to:
- diploma visokog obrazovanja VII stepena pravne ili kriminalističke ili politološke struke ili diploma prvog (240 ECTS), drugog ili trećeg ciklusa Bolonjskog sistema studiranja – pravne ili kriminalističke ili politološke struke;
 - najmanje 7 (sedam) godina radnog iskustva u struci;
 - položen stručni ispit.“

Ad.-5

Izvještaj o radu Poljoprivrednog zavoda za 2022.godinu

Izvjestilac: Mehira Perziv, direktorica.

Ispred radnih tijela: Asmir Ćufurović, predsjedavajući Komisije za budžet, ekonomsku i finansijsku politiku, Nijaz Kadirić, predsjedavajući Komisije za poljoprivredu, vodoprivredu, šumarstvo i ruralni razvoj.

Bez diskusija, Skupština Unsko-sanskog kantona sa 7 glasova »za«, 1.glasom »protiv« i 15 glasova »suzdržan« nije prihvatila Izvještaj o radu Poljoprivrednog zavoda za 2022.godinu.

Ad.-6

Izveštaj Kantonalne uprave za šumarstvo za 2022.godinu

Izvjestilac: Tomica Grbić, direktor.

Ispred radnih tijela: Asmir Ćufurović, predsjedavajući Komisije za budžet, ekonomsku i finansijsku politiku, Nijaz Kadirić, predsjedavajući Komisije za poljoprivredu, vodoprivredu, šumarstvo i ruralni razvoj.

Bez diskusija, Skupština Unsko-sanskog kantona sa 7 glasova »za«, 1.glasom »protiv« i 16 glasova »suzdržan« nije prihvatila Izveštaj Kantonalne uprave za šumarstvo za 2022.godinu.

Jasmin Hušić, predsjedavajući Skupštine Unsko-sanskog kantona predložio je objedinjenu raspravu po tačkama koje se tiču zdravstva na Unsko-sanskom kantonu.

Ad.-7 - Program rada sa finansijskim planom ZU Kantonalna bolnica „Dr. Irfan Ljubijankić“ Bihać za 2023.godinu, izvjestilac: Ermin Goretić, direktor.

Ad.-8 - Program rada sa finansijskim planom JZU Opća bolnica Sanski Most za 2023.godinu, izvjestilac: Mustafa Avdagić, direktor.

Ad.-9 - Plan i program rada sa finansijskim planom ZU Dom zdravlja Sanski Most za 2023.godinu, izvjestilac: Sanda Čekić, direktorica.

Ad.-10 - Plan i program rada sa finansijskim planom za 2023.godinu ZU Dom zdravlja Ključ, izvjestilac: Hrnčić Zlata, ispred ZU Dom zdravlja Ključ.

Ad.-11 - Program rada sa finansijskim planom ZU Dom zdravlja Bosanska Krupa za 2023.godinu, izvjestilac: Mujo Kekić, direktor.

Ad.-12 - Program rada i finansijski plan ZU Dom zdravlja Bužim za 2023.godinu, izvjestilac: Sađida Bajrović, direktorica.

Ad.-13 - Program rada i finansijski plan za 2023.godinu ZU Dom zdravlja Bosanski Petrovac, izvjestilac: Sabina Softić, direktorica.

Ad.-14 - Plan i program rada sa finansijskim planom prihoda i rashoda za 2023.godinu ZU Dom zdravlja Velika Kladuša, izvjestilac: Evresa Okanović, direktorica.

Ad.-15 - Program rada ZU Dom zdravlja Bihać za 2023.godinu sa finansijskim planom, izvjestilac: Ademir Jusufagić, direktor.

Ad.-16 - Program rada i finansijski plan ZU Dom zdravlja Cazin za poslovnu 2023.godinu, izvjestilac: Amir Murić, direktor.

Ad.-17 - Program rada za 2023.godinu i Finansijski plan za 2023.godinu ZU Lječilište „Gata“ Bihać, izvjestilac: Aida Ibrahimpašić, direktorica.

Ad.-18 - Program rada sa finansijskim planom za 2023.godinu ZU Zavod za javno zdravstvo Unsko-sanskog kantona, izvjestilac: Zerina Mulabdić, direktorica.

Ad.-19 - Program rada Zavoda zdravstvenog osiguranja Unsko-sanskog kantona za 2023.godinu, izvjestilac: Rusmir Midžić, ispred Zavoda zdravstvenog osiguranja USK-a.

Ispred radnih tijela: Asmir Ćufurović, predsjedavajući Komisije za budžet, ekonomsku i finansijsku politiku, Emir Šabić, član Komisije za zdravstvo, boračka pitanja, rad i socijalnu politiku.

Učešće u diskusiji uzeli su: Jasmin Hušić, Elvira Abdić Jelenović, Nisvet Jusić, Fatka Kulenović, Agan Bunić, Emir Dautović, Zikrija Duraković, Azra Tajić, Šuhret Fazlić, Amir Murić i Azhar Sejarić.

Nakon zaključenja rasprave, za riječ javili su se: Murić Halkić, ministar Ministarstva zdravstva, rada i socijalne politike, Sađida Bajrović, direktora ZU Dom zdravlja Bužim, Ernesa Okanović, direktorica ZU Dom zdravlja Velika Kladuša.

Na prijedlog zastupnika Agana Bunića, Skupština Unsko-sanskog kantona, sa 23 glasa »za«, bez glasova »protiv« i 1.glas »suzdržan« donosi

ZAKLJUČAK

Traži se od Ministarstva zdravstva, rada i socijalne zaštite, Zavoda zdravstvenog osiguranja Unsko-sanskog kantona i zdravstvenih ustanova da iznađu načina da se omogući finansiranje ili sufinansiranje smještaja liječničkog kadra u općinama u kojima su zaposleni u cilju osiguranja boljih uvjeta i zadržavanja mladih liječnika na području Unsko-sanskog kantona.

Prijedlog zaključka zastupnice Tajić Azre, kojim se zabranjuje zapošljavanje nemedicinskog kadra u zdravstvenim ustanovama na području Unsko – sanskog kantona do kraja 2023. godine, sa 6 glasova »za«, 3 glasa »protiv« i 13 glasova »suzdržan, nije dobio potrebnu većinu.

Skupština Unsko-sanskog kantona, sa 21. glasom »za«, bez glasova »protiv« i 2 glasa »suzdržan« donosi

ZAKLJUČAK

Prihvata se Program rada sa finansijskim planom ZU Kantonalna bolnica „Dr. Irfan Ljubijankić“ Bihać za 2023.godinu.

Skupština Unsko-sanskog kantona, sa 23 glasa »za«, bez glasova »protiv« i »suzdržan« donosi

ZAKLJUČAK

Prihvata se Program rada sa finansijskim planom JZU Opće bolnice Sanski Most za 2023.godinu.

Skupština Unsko-sanskog kantona, sa 21. glasom »za«, bez glasova »protiv« i »suzdržan« donosi

ZAKLJUČAK

Prihvata se Plan i program rada sa finansijskim planom za 2023.godinu ZU Dom zdravlja Ključ.

Skupština Unsko-sanskog kantona, sa 23 glasa »za«, bez glasova »protiv« i »suzdržan« donosi

ZAKLJUČAK

Prihvata se Plan i program rada sa finansijskim planom ZU Dom zdravlja Sanski Most za 2023.godinu.

Skupština Unsko-sanskog kantona, sa 20 glasova »za«, 2 glasa »protiv« i 1.glas »suzdržan« donosi

ZAKLJUČAK

Prihvata se Program rada sa finansijskim planom ZU Dom zdravlja Bosanska Krupa za 2023.godinu.

Skupština Unsko-sanskog kantona, sa 22 glava »za«, bez glasova »protiv« i »suzdržan« donosi

ZAKLJUČAK

Prihvata se Program rada i finansijski plan za 2023. godinu ZU Dom zdravlja Bosanski Petrovac.

Skupština Unsko-sanskog kantona, sa 18 glasova »za«, 2. glasa »protiv« i 3 glasa »suzdržan« donosi

ZAKLJUČAK

Prihvata se Plan i program rada sa finansijskim planom prihoda i rashoda za 2023.godinu ZU Dom zdravlja Velika Kladuša.

Skupština Unsko-sanskog kantona, sa 22 glasova »za«, bez glasova »protiv« i »suzdržan« donosi

ZAKLJUČAK

Prihvata se Program rada ZU Dom zdravlja Bihać za 2023.godinu sa finansijskim planom.

Skupština Unsko-sanskog kantona, sa 20 glasova »za«, 1.glasom »protiv« i 1.glasom »suzdržan« donosi

ZAKLJUČAK

Prihvata se Program rada i finansijski plan ZU Dom zdravlja Cazin za poslovnu 2023.godinu.

Skupština Unsko-sanskog kantona, sa 21 glasom »za«, bez glasova »protiv« i »suzdržan« donosi

ZAKLJUČAK

Prihvata se Program rada za 2023.godinu i Finansijski plan za 2023.godinu ZU Lječilište „Gata“ Bihać.

Skupština Unsko-sanskog kantona, sa 23 glasa »za«, bez glasova »protiv« i »suzdržan« donosi

ZAKLJUČAK

Prihvata se Program rada sa finansijskim planom za 2023.godinu ZU Zavod za javno zdravstvo Unsko-sanskog kantona.

Skupština Unsko-sanskog kantona, sa 23 glasa »za«, bez glasova »protiv« i »suzdržan« donosi

ZAKLJUČAK

Prihvata se Program rada Zavoda zdravstvenog osiguranja Unsko-sanskog kantona za 2023.godinu.

Ad.-20

Informacije Ministarstva unutrašnjih poslova Unsko-sanskog kantona – Uprava policije:

- a) Informacija o stanju sigurnosti saobraćaja na području Unsko-sanskog kantona za period januar – decembar 2022.godine;
- b) Informacija o stanju sigurnosti na području Unsko-sanskog kantona za period januar – decembar 2022.godine;
- c) Informacija o stanju sigurnosti od vršnjačkog nasilja u školama Unsko-sanskog kantona za 2022.godinu;
- d) Informacija o stanju maloljetničke delikvencije na području Unsko-sanskog kantona za 2022.godinu;
- e) Informacija o stanju nasilja u porodici na području Unsko-sanskog kantona u 2022.godini.

Izvjestilac: Jusuf Mešić, ispred Ministarstva unutrašnjih poslova.

Ispred radnih tijela: Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Učešće u diskusiji uzeli su: Jasmin Hušić, Fatka Kulenović, Emir Dautović i Amir Murić.

Nakon zaključenja rasprave, za riječ se javio Jusuf Mešić, ispred Ministarstva unutrašnjih poslova.

Na prijedlog zastupnika Murić Amira, Skupština Unsko-sanskog kantona, sa 17 glasova »za«, bez glasova »protiv« i »suzdržan« donosi sljedeći

ZAKLJUČAK

Zadužuju se Vlada Unsko-sanskog kantona i Ministarstvo pravosuđa i uprave da osiguraju sredstva za domove zdravlja za realizaciju mjera koje donose organi sudske vlasti zbog nasilja u porodici.

Prijedlog zaključka zastupnika Hušić Jasimina, kojim se 1. „Zadužuje se Vlada kantona da u što kraćem roku imenuje radnu grupu eksperata iz različitih oblasti s mogućnošću imenovanja podgrupa za pojedine oblasti sa zadatkom da u roku od tri mjeseca od dana imenovanja koristeći se podacima i resursima nadležnih institucija uz cjelovitu analizu sigurnosti na Unsko – sanskom kantonu izradi program mjera i aktivnosti na unaprjeđenju sigurnosti na Unsko – sanskom kantonu s posebnim akcentom na prevenciji. 2. Program treba da sadrži konkretne aktivnosti, nositelje aktivnosti i rokove izvršenja svih mjera i aktivnosti. 3. Program na prijedlog Vlade Unsko – sanskog kantona donosi Skupština Unsko – sanskog kantona“, sa 4 glasa »za«, bez glasova »protiv« i 12 glasova »suzdržan« nije dobio potrebnu većinu.

Prijedlog zaključka zastupnika Hušić Jasimina, kojim se 1. „Zadužuje se Uprava policije Unsko – sanskog kantona da mjere predložene u Informaciji o stanju sigurnosti od vršnjačkog nasilja u školama Unsko – sanskog kantona u 2022. godini uz saglasnost Vlade Unsko – sanskog kantona programski sistematizira sa eventualnim proširenjem u sadržajnom smislu kako bi se mogao usporediti efekat intenzivnog i planskog poređenja predloženih mjera na godišnjem nivou u odnosu na prethodni period. 2. O provođenju programa periodično informirati Vladu Unsko – sanskog kantona i Skupštinu Unsko – sanskog kantona“, sa 13 glasova »za«, bez glasova »protiv« i 4 glasa »suzdržan«, nije dobio potrebnu većinu.

Na prijedlog zastupnika Hušić Jasmina, Skupština Unsko-sanskog kantona, sa 16 glasova »za«, bez glasova »protiv« i 1. glas »suzdržan« donosi

ZAKLJUČAK

Zadužuje se Vlada Unsko – sanskog kantona da u skladu sa članom 37. Zakona o zaštiti od nasilja u porodici izradi Program mjera za prevenciju, zaštitu i borbu protiv nasilja u porodici, te koordinira i organizira potpisivanje novog protokola iz člana 39. Zakona o zaštiti od nasilja u porodici.

Skupština Unsko-sanskog kantona, sa 16 glasova »za«, bez glasova »protiv« i 2 glasa »suzdržan«, donosi

ZAKLJUČAK

Prima se na znanje Informacija o stanju sigurnosti saobraćaja na području Unsko-sanskog kantona za period januar- decembar 2022.godine.

Informacija o stanju sigurnosti na području Unsko-sanskog kantona za period januar-decembar 2022.godine, pojedinačnim glasanjem, sa 15 glasova »za«, bez glasova »protiv« i 3 glasa »suzdržan«, nije dobila potrebnu većinu.

Informacija o stanju sigurnosti od vršnjačkog nasilja u školama Unsko-sanskog kantona za 2022.godinu, sa 15 glasova »za«, bez glasova »protiv« i 3 glasa »suzdržan«, nije dobila potrebnu većinu.

Informacija o stanju maloljetničke delikvencije na području Unsko-sanskog kantona za 2022.godinu, sa 15 glasova »za«, bez glasova »protiv« i 3 glasa »suzdržan«, nije dobila potrebnu većinu.

Informacija o stanju nasilja u porodici na području Unsko-sanskog kantona u 2022.godini, sa 14 glasova »za«, bez glasova »protiv« i 2 glasa »suzdržan«, nije dobila potrebnu većinu.

S ovim je završena 4 redovna sjednica Skupštine Unsko-sanskog kantona.

Sekretar Skupštine
Unsko – sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Jasmin Musić, mr.politologije

